

父子合集經

大宋新譯三藏聖教序

滅

太宗神功聖德文武皇帝製

大矣哉我佛之教也化導羣迷闡揚
宗性廣博宏辯英彥莫能究其旨精
微妙說庸愚豈可度其源義理幽玄
真空莫測包括萬象譬喻無垠綜法
網之紀綱演無際之正教拔四生於
苦海譯三藏之祕言天地變化乎陰

陽日月盈虧乎寒暑大則說諸善惡
細則比於恒沙含識萬端弗可盡述
若窺像法如影隨形離六情以長存
歷千劫而可久須彌納藏於芥子如
來坦蕩於無邊達磨西來法傳東土
宣揚妙理順從指歸彼岸菩提愛河
生滅用行於五濁惡趣拯溺於三業
途中經垂卅以難窮道無私而永泰

雪山貝葉若銀臺之耀日歲月煙蘿
起香界之自遠巍巍罕測杳杳難名
所以道資十聖德被三賢至道起於
乾元衆妙生乎太易摠繁形類竅鑿
昏明絕彼是非開茲蒙昧有西域法
師天息災等常持四忍早悟三乘翻
貝葉之眞詮續人天之聖教芳猷重

啓運偶昌時潤五聲於文章暢四始
於風律堂堂容止穆穆輝華曠劫而
昏墊重明玄門昭顯軌範而彌光妙
法淨界騰音利益有情俱登覺岸無
成郭礙救諸疲羸冥昧慈悲浩汗物
表柔伏貪猥啓滌昏愚演小乘聲聞
合其儀論大乘正覺立其性含靈悟

而蒙福藏教缺而重興幻化迷途火
宅深喻雖設其教不知者多善念生
而無量潛臻惡業興而隨緣皆墮調
御四衆積行十方樹華雨於金輪護
恒沙於玉闕有頂之風不可壞無際
之水弗能漂澄寂湛然圓明清淨之
智惠性空無染妄想解脫之因緣可
以離煩惱於心田可以得清涼於宇

宙朕慙非博學釋典微閑豈堪序文
以示來者如縻螢爝火不足比之於
皎日將微蠡量海未能窮盡於深淵
者哉

繼作聖教序

真宗文明章聖元孝皇帝製

高明肇分三辰方乃序其次厚載初
定萬彙於以發乎端清濁之體旣彰

善惡之源是顯然後以文物立其教
以正典化其俗利益之功同歸於理
於是乎像法來於西國真諦流於中
夏洞貫千古真實之理無以窮囊括
九圍玄妙之門莫能究言乎妄想則
五蘊皆空現乃真容則一毫圓滿廣
大之教豈能紀述者哉伏觀

太宗神功聖德文武皇帝法性周圓
仁慈普布化蠻貊則萬邦輻湊躋烝
民於仁壽之鄉崇教法則四海雲從
惠蒼生於富庶之域見尊經之浩汗
設方便以救沉淪知法界之恢宏行
精進而攝懈怠乃擇其邃宇校彼真
文命天竺之高僧譯貝多之佛語象
管翻成於金字珠編復置於琅函龍

宮之聖藻惟新鷺嶺之苾芻仰歎由
是三乘共貫四諦同圓盡苦空真正
之言顯祕密精研之義讚相相乎實
相論空空乎盡空華嚴之理合軌轍
金像之教同規矩朕纘嗣
丕構恭臨寶圖常翼翼而撫兆民每
兢兢而守

先訓以至釋典尤未精詳諒其幽深

易能探測有譯經西域僧法賢奏章
懇切致意專勤以

先皇帝大闡真風高傳佛旨興前王
之墜典振覺路之頽綱欲旌
天造之功庸用廣

聖文之述作請予製序繼聖教焉自
聖考上僊追號罔息政事之外何暇

經心今已禪除思臻微奧雖幼承慈
誨柰夙乏通才焉窮乎法海之津涯
莫造乎空門之閭域略敷大意以徇
輿情蹄涔不足擬浴日之波尺篲豈
能量昊天之星聊述短序以紀聖功
者焉

父子合集經卷第一

西晉三藏聖典譯經菩薩藏經卷第一
具闡等奉詔譯

淨飯王始發信心品第一

如是我聞一時佛在舍衛國說法施
化能事畢已往迦毗羅國去城不遠
住尼拘律陀林中與大比丘衆千二
百五十人俱皆阿羅漢諸漏已盡無
復煩惱心善解脫慧善解脫如大龍
王所作已辦棄諸重擔逮得已利盡
諸有結心得自在能到最上究竟彼

父子合集卷第一 第五張 滅字号

岸其名曰阿若憍陳如摩訶迦攝優
婁頻羅迦攝伽耶迦攝那提迦攝舍
利弗大目軋連衆所知識大阿羅漢
等復有種類差別捨邪歸正外道尼
軋子沙門婆羅門無數衆會皆悉來
集所謂調伏調伏衆寂靜寂靜衆善
超彼岸善超彼岸衆善住安隱善住

安隱衆出離煩惱出離煩惱衆能離
罪惡能離罪惡衆洗除罪垢洗除罪
垢衆善超三有善超三有衆遠離五
塵遠離五塵衆離諸障礙離諸障礙
衆清淨意樂清淨意樂衆具足諸根
具足諸根衆違順解脫違順解脫衆
善護自身善護自身衆具諸正念具
諸正念衆具四神足具四神足衆樂

說明記樂說明記衆明了緣諦明了
緣諦衆善寂諸根善寂諸根衆決定
信解決定信解衆樂求義利樂求義
利衆觀察無我觀察無我衆離諸分
別離諸分別衆斷除疑惑斷除疑惑
衆身行輕安身行輕安衆自在愛樂
自在愛樂衆心善解脫心善解脫衆
慧善解脫慧善解脫衆住聖種族住

聖種族衆如是衆會身意泰然樂得
善利各與徒屬來詣佛所猶如廣大
鉢羅奢樹枝葉繁茂生長圓滿清淨
而住

爾時世尊於初夜分露地而坐寂然
無聲一切大衆恭敬圍繞於是如來
觀察時會諸比丘衆而問之曰何人

堪往化淨飯王勸導發心生淨信解
時尊者憍陳如即從座起偏袒右肩
右膝著地合掌作禮白言世尊我當
願往佛言憍陳如汝居聲聞最爲上
首先解諦義有大名稱一切衆生尊
奉如師且止是說不須汝往是時會
中四大迦攝及舍利弗目軋連等各
伸禮敬而作是言我能往化淨飯聖

王佛皆不允止之如初時大目犍連
即作是念未知如來今遣何人詣父
王所遂入定觀乃覩如來心光遠矚
彼優陀夷猶如果日穿其樓閣從於
東牖直注西垣時目犍連從定起已
往詣尊者優陀夷所而語之曰世尊
召子往化父王故相報爾優陀夷曰
果蒙教勅固當從命目犍連曰尊者

所往此極難事宜自審悉無貽後悔
所以者何彼爲灌頂刹帝利王威德
尊嚴性無敢犯孰能導達何由召對
況復教化發生信心今取諸譬子當
可悉如以百夫於累歲中擔負乾薪
積成大聚縱火焚之其燄猛熾復以
酥油而沃其上頗有人能於此廣大

火聚中行不爲所害又如有人欲於
最勝龍象口中而取其牙當知是人
必遭所損今欲往化淨飯聖王此極
爲難亦復如是我今粗陳少分譬喻
臨事籌量好自安意於是世尊乃召
尊者優陀夷至而語之曰於我聲聞
弟子之中汝爲釋種具足辯才善說
法要今可往化淨飯父王以善方便

開發道意時優陀夷承佛指喻唯然
受教白言世尊我今當往唯願大慈
勿垂軫慮設使父王或見致怒遙冀
慈光冥加抹護爾時世尊為優陀夷
而說偈言

賢哉優陀夷

今當聽我說

汝具智辯才

衆中為上首

釋種淨飯王

見必生忻悅

是故汝應往

速勸令發心

若能化父王

發生清淨意

諸天及世人

咸增長善利

安閑不修善

如沮岸將墜

當於現生中

除我慢疑惑

富貴剎那頃

增放逸染著

如羈旅無財

所思唯有苦

處最勝宮殿
佛教不了知
具四種兵衆
隨意而自在
有夜叉鬼神
令人染衆病
積聚諸珍寶
染慧所纏縛

受殊妙欲樂
樂壞生悲惱
七寶諸眷屬
樂壞生悲惱
散衆生精氣
於身何不護
如計羅娑山
不能自觀察

由深慧覆心
如人處夢中
凡夫失明慧
猶如涉遠道
是故優陀夷
勸王立信幢
餘人非善巧
汝具妙辯才

善法無所了
何能有知覺
決定獲憂怖
而喪其伴侶
當以善方便
摧我慢高舉
獎助令發心
能示三有苦

我念過去劫

有王出於世

名稱徧十方

號曰真實聚

以善法治世

境極海邊際

俱胝那更多

臣民咸歸奉

諸聚落城邑

多種種花果

地唯生軟草

無瓦礫荊棘

流泉及林木

處處皆圍繞

百千輒聞婆
賢聖集其中
多諸比丘衆
復有諸外道
其數有百千
咸生眞實見
怖彼三惡道
彼王有太子

互奏諸音樂
民物咸豐樂
依止持淨戒
大仙大智者
捨所修苦行
信樂佛正法
願得生天果
名曰堅固慧

值過去諸佛

久植諸德本

俱胝那由佗

人民皆親近

觀五欲過患

心常生厭離

觀王所居處

如彼天宮殿

后妃競圍繞

受欲樂無極

是時堅固慧

即啓白父王

我今誠實心

誓求無上道

於采女眷屬

都不生忻樂

少年著欲者

樂壞苦即至

如往古大僊

栖止於山谷

五欲非究竟

寂靜即爲樂

王語堅固慧

勿作如是說

若不受欲樂

何名爲我子

有國之富貴

如彼多聞天

諸宮殿樓閣

衆寶而莊嚴

百千衆妓樂
具最上色相
面貌皆圓滿
額廣復平正
形儀悉端直
作衆妙歌舞
年少色鮮白
汝當住於此

周帀常圍繞
類天女無異
脣丹齒齶密
目比青蓮葉
膚潔猶珂雪
而共相娛樂
如彼枝上花
勿棄於榮貴

我今誠謂汝
太子善了知
我聞是說已
於彼五欲境
復白於父王
爲欲之所溺
猶如彼盲夫
自捨平坦處

非毀亦非譽
王位極尊勝
決志求出難
不著如夢寐
自念從無始
娛情不知愧
艱辛趣險道
憑誰爲歸採

於欲不了知

何由脫苦縛

當離於險道

此心非顛倒

若能遠諸欲

安隱除過患

當知著欲者

如盲無所見

欲境如瀑流

傾注難防護

世有明智人

當生於厭怖

欲爲衆苦因

損害逾蛇螫

刀杖與毒藥
堅固慧王子
我志在山林
是身深可厭
不顧王寶位
是時王族中
見太子出家
太子出家已

熾火然相似
含悲白父王
離欲求解脫
老病苦縈縛
願允聽出家
童子名月施
亦隨修梵行
具勇猛精進

獲得五神通
人中釋師子
教化諸衆生
彼月施童子
示五欲過患
優陀夷當知
於汝意云何
其月施童子

善修四無量
說法無所畏
皆令入佛道
以善巧方便
勸王發道意
往昔堅固慧
今則我身是
樂修真實行

同居釋種中

今則汝身是

是故優陀夷

汝今應當往

勸父王發心

增長諸善利

爾時尊者優陀夷聞佛世尊說是偈
已欽承慈旨作禮而退於晨朝時執
持應器往迦毗羅城詣王宮門見有
百千釋種皇族共集一處時彼衆中

有一釋種名曰月面與優陀夷舊爲
知識遙見尊者往相慰問何緣至此
優陀夷曰今從世尊所住之處尼拘
律陀林中匍匐而來奉佛慈旨遣令
教化淨飯父王開發淨信彼聞說已
而作是言昔者太子若不捨家決定
當作轉輪聖王十善治化王四天下
當有七寶自然出現所謂輪寶象寶

馬寶珠寶女寶兵寶主藏神寶復有
千子之所圍繞一切人民恭敬尊重
今既出家志樂空寂則失如是廣大
富貴今所集會正議此耳所言未竟
時淨飯王即召釋種群列于庭而語
之曰卿等當知悉達太子棄捨國位
上妙快樂樂居林野一何錯謬而今
而後汝等不應往詣彼所供養恭敬

若有違者必當捶罰時有釋種名曰
善悟聰慧明達多諸善巧出至宮門
見優陀夷方便附近漸至屏處始敢
伸問世尊導師起居輕利安隱快樂
四大調和少病少惱化度衆生無疲
勞耶復有釋種名曰無憂復有釋種
名曰離憂詣尊者所問許世尊一如

前說我等咸欲詣世尊所適奉王旨
諸釋種等不得於佛親近供養若有
違越必行捶罰爲懼嚴勅無敢往者
時優陀夷聞已太息淨飯父王何意
如是如來慧日出現世間於諸衆生
多所饒益一切人民四天王帝釋
天主梵天王等競伸供養曾無虛日
我當求見彼淨飯王具陳上事乃入

定觀知彼父王信根成熟決定可化
時尊者優陀夷具諸威儀結跏趺坐
涌在虛空高七多羅樹即現種種神
通變化時淨飯王遙見尊者乘空而
來心生歡喜合掌瞻仰說伽陀曰
希有成就殊勝行現諸神變具威儀
乘空至此有何緣唯願聖者速當說
爾時尊者優陀夷以偈荅曰

我是聖王子之子 依止如來法中住
願王速發淨信心 於勝福田興供養
太子棄國成佛道 具勝吉祥大名稱
身光常照於世間 智光能破諸癡暗
猶如赫日除雲翳 空中普放大光明
龍子智光亦復然 於三有中常照耀
又如皎月舒盛光 揜蔽遊空諸宿曜

龍子智光亦復然能伏一切諸外道
又如師子吼巖谷衆獸聞已悉奔竄
龍子宣暢妙法音摧諸異論令開解
苦行外仙邪妄智不能入解無我理
流轉輪迴三界中由無勝慧迷真諦
一切世間諸有情盲無慧眼難出離
如來開發智光明爲破無始無明瞢
善惡二途極明顯一爲平坦一險阻

如來善爲指其迷
沒淤泥者能採拔
譬若雲能含衆水
普滋大地無高下
佛施法雨亦復然
增長人天諸善種
雨能充洽諸山林
藥草根莖及枝葉
衆妙花蘊悉開敷
周徧莊嚴於大地
亦如龍子雨法雨
滋榮佛法功德樹
十力無畏不共法
成熟菩提智花果
海中衆寶彌盧山
煥赫巋然而不動

佛處聲聞大會中

最勝光明無與等

三十三天帝釋主

廣興供養妙莊嚴

龍子巍巍大沙門

諸天見者咸開悟

欲入佛法解脫海

成就智慧法寶藏

當以戒定爲船筏

能至念處摩尼聚

太子昔修諸苦行

或住陂池或巖窟

或依迴絕曠野中

善達空無相無作

牟尼大仙師子吼 指誘羣迷生覺悟
如是善巧方便力 難化能化使柔順
佛爲最上調御師 能施衆生諸法寶
寂靜妙樂奢摩他 戒定功德堅固藏
若能依教修諸行 除惑滅罪令清淨
是故天人阿修羅 常樂聞持佛正法
於是淨飯王爲尊者優陀夷而說偈
言

我子捨家無少樂 或乏飲食或卧具
猶如鮮潔青蓮花 置之陸地當枯悴
尊者優陀夷以偈荅曰

如來遊戲諸神通 常食禪悅無飢渴
由住寂靜妙等持 若金蓮華體堅實
時淨飯王復說偈言

太子昔在皇宮日 百千采女常圍繞
睡寤常聞歌吹聲 棲止山林有何樂

尊者優陀夷以偈答曰

佛住解脫勝境界深心依止諸禪定
行住坐卧威儀中常生喜樂曾無苦
時淨飯王復說偈言

太子昔在皇宮日衆妙茵褥敷卧具
百千燈炬常照明向夕未嘗知有暗
尊者優陀夷以偈答曰

牟尼廣修殊勝行以四無量爲茵褥
心常利樂諸有情於中庸境無癡鈍
時淨飯王復說偈言

昔時太子居深殿遊戲受用諸快樂
左右侍衛善承迎獨止山林何所得
尊者優陀夷以偈答曰

如來所止悉清勝樂居寂靜阿蘭若
平等觀眎於世間常得天龍常恭敬

時淨飯王復說偈言

昔日太子處王宮沐浴嬪嬙競承事
上妙塗香以瑩身棲止山林何所得
尊者優陀夷以偈荅曰

牟尼持戒爲浴池永滌諸惡淨無垢
能令自佗悉清淨離衆塵穢登彼岸
時淨飯王復說偈言

太子所著殊妙衣金縷貫飾珠瓔珞

旃檀和合妙塗香棲止山林何所得
尊者優陀夷以偈荅曰

牟尼以慙爲上服菩提分法如珠鬘
護戒清涼若塗香以用莊嚴功德體
時淨飯王復說偈曰

太子所住常嚴警百千勇士持戈胄
繖蓋迎空蔽日光獨向山林誰守護

尊者優陀夷以偈荅曰

牟尼具足十智力於諸怖畏心不動
慈悲普蔭諸群生沙門法子常圍繞
時淨飯王復說偈言

善哉善說佛功德不久當往聞法要
願今先受我供養復持香飯奉如來

父子合集經卷第一

孔目官臣嵇

永和

講圓覺仁王經百法因明論賜紫沙門

臣

文正

證義

講仁王經因明唯識論沙門

臣

法秀

證義

講法華經因明論賜紫沙門

臣

可熙

證義

講唯識因明百法論明義大師賜紫沙門

臣

清衍

證義

講楞嚴經慈濟大師賜紫沙門

臣

智孜

證義

父子合集第一 第十八卷 梵字

講圖覺經文章文惠大師賜紫沙門 臣智普證義

左街僧錄講法論冥客大師賜紫沙門 臣清振證義

左街僧錄講法論冥客大師賜紫沙門 臣顯靜證義

左街僧錄講法論冥客大師賜紫沙門 臣文素綴文

左街僧錄講法論冥客大師賜紫沙門 臣用寧綴文

梵學清梵大師賜紫沙門 臣知寶筆綴

梵學崇梵大師賜紫沙門 臣明遠筆綴


西天廣梵大師賜紫沙門 臣 天祥 證梵義

梵才大師賜紫沙門 臣 惠舉 詔同譯

朝散大夫鴻臚寺卿宣客大師賜紫沙門 臣 慧舉 詔同譯

內侍省內東頭供奉官當 衛樂院監譯 臣 李 彥舉

通議大夫太子少師兼太僕寺卿上柱國食邑三千戶賜紫金魚袋馬京同進士



父子合集經卷第二

戒

奏請鑲黃旗散太監為總領官其師賜給海內臣
 月稱等奉詔謹

淨飯王始發信心品第一之餘

時尊者優陀夷知淨飯王心生感悟
說偈讚已白言大王今佛世尊出興
于世爲大法王具足成就諸善功德
於彼沙門大衆之中猶如滿月衆星
圍繞世尊光明復過于彼大王如來

出世如秋空日無雲覆蔽其光特盛
佛於沙門大衆之中光明照耀復過
於彼又如海中有光明山其光赫奕
出於衆山佛處沙門大衆之中光明
照耀復過于彼又如帝釋處善法堂
天衆圍繞身光熾盛異諸天子佛於
沙門大衆之中光明照耀復過于彼
又如大梵天王百千俱胝梵衆圍繞

一切身光無與等者佛於沙門大衆
之中光明照耀復過于彼時淨飯王
聞說世尊如是最勝光明威神復自
憶念往昔太子初降生時地六震動
所謂動徧動極徧動起徧起極徧起
涌徧涌極徧涌震徧震極徧震擊徧
擊極徧擊吼徧吼極徧吼光照天地

無與等者即行七步不假扶掖是時
空中澍二種水一者溫煖二者清冷
用爲灌浴太子之身地中自然湧出
寶座殊妙繖蓋懸處虛空有諸天子
恭敬尊重手執白拂侍立左右乃至
菩薩長年捨家厭五欲樂常住正念
說誠實語令諸有情不相損害所作

決定勇猛堅固願成無止正等菩提
未得度者皆令得度漸次至於究竟
彼岸於是淨飯王爲優陀夷而說偈
言

若人初生時

言說唯決定

彼具寂靜慧

智者何不信

太子初生時

世間無與等

爲世所尊重

智者何不信

乃至於夢中
如說而修行
於境不生貪
不顧金寶聚
瞋如利刀劍
善離彼過失
勝慧常相應
由離癡過失

曾無虛妄說
智者何不信
不爲貪所縛
智者何不信
忿怒令佗怖
智者何不信
驚怖不能動
智者何不能

受用五欲樂

不爲彼纏縛

勝慧善決擇

智者何不信

百千種幻術

無少分真實

善人非所樂

智者何不信

無數巧妙言

畢竟爲戲論

於縛不能脫

智者何不信

若愛樂法樂

相應諸義利

決定能離縛

彼言何不信

離垢方便力

人孰能防禦

逾城出釋宮

彼言何不信

棄捨五欲樂

棲山若麋鹿

志樂求菩提

彼言何不信

六年修苦行

爲度諸衆生

求最上菩提

彼言何不信

六年食麻麥

不思諸美膳

求最上菩提
六年處谷山
不能見少過
何人不求利
善離貪過患
無上正等覺
難信復難解
若梵天請轉

彼言何不信
衆魔來伺隙
彼言何不信
獨無少希望
彼言何不信
若佗未曾聞
彼言何不信
或世尊自說

如是微妙法

彼言何不信

憐愍釋種故

示生於王宮

皆令脫苦縛

彼言何不信

未登彼岸者

教詔令得度

常發如是願

彼言何不信

世尊於往昔

嘗如是勸化

當知今亦然

彼言何不信

是故我今者

求見法中王

如是諦觀察

得身心清淨

時淨飯王說是偈已復更思惟謂尊者曰是身何久乃發道意時優陀夷爲淨飯王而說偈言

大王今作人中主應當修習諸義利如來稱讚發心因常得生於尊勝處若能發生清淨意往詣牟尼大仙所

所獲功德難可量 增長人天諸善種
如來昔爲王太子 大悲愍念諸群萌
廣行平等無量心 猶若蓮花不著水
一切有情沒瀑流 佛能拯拔令出離
是名無上兩足尊 王發淨心善調伏
佛智最上最第一 善拔衆生疑惑箭
永離衆苦得安樂 王發淨心善調伏
太子永斷三有縛 降伏四種魔軍衆

得成無上大菩提王發淨心善調伏
開示解脫甘露法帝釋人王咸勸請
利樂三界諸有情王發淨心善調伏
能轉最勝妙法輪攝化一切諸外道
其數俱脰那更多王發淨心善調伏
如來慧眼極清淨衆生無明之所覆
說法能除彼癡暗王發淨心善調伏

衆生老死所逼迫 如來說法除憂怖
方便令登常樂門 王發淨心善調伏
如來出現於世間 如空四澍大雲雨
能滅熾然三毒火 王發淨心善調伏
牟尼十力智光明 銷滅衆生三世罪
畢竟遠離諸過咎 王發淨心善調伏
如來常以大悲心 愛念衆生如赤子
皆令離苦得解脫 王發淨心善調伏

難化剛強諸衆生 如來方便能攝受
令除掉舉與憍慢 王發淨心善調伏
衆生沒於貪欲海 諸天著樂亦復然
佛垂十力能拯接 王發淨心善調伏
如來大悲無與等 無量功德所莊嚴
能拯衆生長夜苦 王發淨心善調伏
如來大悲方便力 若摩尼珠能瑩水
善除鬪諍垢濁因 王發淨心善調伏

如摩尼寶本性淨 衆生見已咸歡喜
牟尼永離煩惱因 王發淨心善調伏
人天多受別離苦 佛令獲得寂靜樂
出離輪迴生死因 王發淨心善調伏
牟尼成就功德海 我今略說一少分
譬如虛空無有邊 王發淨心善調伏
時淨飯王聞偈讚已即自憶念向者

菩薩未出家時我曾親見作勝事業
正念相應發決定願我當捨家誓成
佛道度諸衆生令至彼岸乃謂尊者
優陀夷曰汝今即是如來之子自食
託已別齋供養然後我當詣世尊所
時優陀夷生大歡喜即持香飯奉上
如來佛受供已召諸比丘而告之曰
彼優陀夷我遣往化淨飯父王今已

信解佛即讚彼優陀夷言善哉善哉
汝今獲得無量福蘊令諸世間諸天
及人間是事已增長善根有諸比丘
白言世尊彼優陀夷得幾所福佛言
假使十方殑伽河中所有沙數無量
無邊不可稱量是優陀夷所得福報
與彼沙數正等無異於是世尊食已
收鉢安住威儀加趺而坐入定觀察

父王將至即召北方多聞天王與其眷屬百千俱肱那更多大藥叉將於自宮出從空而來屈伸臂頃到於佛所合掌作禮供養世尊及比丘衆住立一面

復次東方持國天王與其眷屬百千俱肱那更多軋闍婆衆從空而來到

於佛所合掌作禮供養卅尊及比丘
衆住立一面

復次南方增長天王與其眷屬百千
俱肱那更多矩畔拏衆從空而來到
於佛所合掌作禮供養卅尊及比丘
衆住立一面

復次西方廣目天王與其眷屬百千
俱肱那更多諸大龍衆從空而來到

於佛所合掌作禮供養世尊及比丘
衆住立一面

復次帝釋天主與三十三天無數天
子來至佛所作禮供養如是皤摩天
覩史多天樂變化天佉化自在天大
梵王天光音天廣果天淨居天此諸
天子各與百千俱脘那史多天子眷
屬來詣佛所頭面作禮供養恭敬及

比丘僧住立一面

復次毗摩質多羅阿修羅王與六十
那史多眷屬著新淨衣次第裝束從
空而來到於佛所頭面作禮供養世
尊及比丘衆在一面住
復次迦婁羅王與其眷屬八萬六千
眷屬俱從空而來到於佛所合掌作

禮供養卅尊及比丘衆住立一面
復有外道大仙婆羅門等八十俱肱
從於諸方來詣佛所親近供養譬若
滿月麗於空中威德光明隱蔽宿曜
時彼衆中天龍鬼神摩睺羅伽等一
心同聲以偈讚曰

佛具智光明
降伏阿修羅

最勝無倫匹
滅三毒癡暗

佛面猶滿月

衆相悉莊嚴

具最上辯才

能破諸異論

百福妙嚴身

天人無與等

開導諸聲聞

如蓮出濁水

如帝釋天主

天子常圍繞

威德勝諸天

身光亦復爾

如來二足尊

法子常圍繞

善說諸法要

令衆生開悟

父子合集

卷第二

戒

如燄摩天主

眷屬常圍繞

安坐大衆中

諸天咸尊重

佛身無邊光

照險難惡道

墮落諸衆生

蒙光皆離苦

觀史多天主

天衆常圍繞

由昔福報故

身光獨爲勝

天與阿修羅

及餘龍神衆

釋師子光明
樂變化天主
爲佛光所蔽
如是佛光明
能化未調伏
佗化自在主
由宿善業故
如來十力尊

清淨超於彼
皆來至佛所
令知先福業
最上無能比
令生淨信解
天衆常圍繞
身光獨爲勝
正行皆圓滿

於諸天人中

光明極熾盛

色界大梵王

身光超梵衆

八種妙音聲

諸天無與等

如來大法王

八部常恭敬

演四諦法音

光照三千界

諸天龍神等

咸來至佛所

希聞梵音聲

願佛開未悟

大海深可量

虛空可知際

須彌尚可稱

佛功德無極

父子合集經王詣佛所品第二

時淨飯王前已謂尊者優陀夷言不
久我當躬詣佛所諒惟世尊佗心先
鑒即召釋種擇吉祥日於日天子初
出之時我當嚴駕決定往矣時諸釋
種聞王教敕咸生忻慶各作是言善

哉大王願當侍從時淨梵王敕令排
備象馬車乘寶飾輦輿以淨黃土徧
覆道路駕青色車青寶裝鉸於其車
上懸青繖蓋寶網交絡寶鈴和鳴奏
妙音樂作衆歌舞有百勇士擐青甲
冒著青革屣周匝圍繞無數翊從服
青色衣各各執持青色幢幡及青色
拂復以衆寶而飾其柄種種莊嚴青

色鮮潔次第行列安徐前進駕黃色
車黃金裝鉸於其車上張黃繖蓋寶
網交絡寶鈴和鳴奏妙音樂作衆歌
舞有百勇士擐黃甲冑著黃革屣周
匝圍繞無數翊從服黃色衣各各執
持黃色幢幡及黃色拂復以衆寶而
飾其柄種種莊嚴黃色鮮潔次第行
列安徐前進駕紅色車紅寶裝鉸於

其車上張紅繖蓋寶網交絡寶鈴和
鳴奏妙音樂作衆歌舞有百勇士探
紅甲冑著紅革屣周匝圍繞無數翊
從服紅色衣各各執持紅色幢幡及
紅色拂復以衆寶而飾其柄種種莊
嚴紅色鮮潔次第行列安徐前進駕
白色車白銀裝鉸於其車上張白繖

蓋寶網交絡寶鈴和鳴奏妙音樂作
衆歌舞有百勇士探白甲冑著白革
屣周匝圍繞無數翊從服白色衣各
各執持白色幢幡及白色拂復以衆
寶而飾其柄種種莊嚴白色鮮潔次
第行列安徐前進駕彩畫車衆寶裝
鉸於其車上張彩畫蓋寶網交絡寶
鈴和鳴奏妙音樂作衆歌舞有百勇

士擐彩畫甲著彩畫履周匝圍繞無數翊從服彩畫衣各各執持彩畫幢幡及雜色拂復以衆寶而飾其柄種種莊嚴雜色鮮潔次第行列安徐前進於衆車後有八萬象一一象上皆有七寶所成樓閣金幢間列甚可愛樂復於象後有八萬馬亦以金寶而鈹飾之時淨飯王乘最勝象從自官

中出迦毗羅城詣尼拘律陀林諸釋
種等肅恭隨從是時世尊遙見父王
將諸臣佐釋種眷屬城中人民漸次
來至召諸比丘出林觀矚比丘見已
深生隨喜歎未曾有初覩咸謂三十
三天帝釋天主而來至此王所行路
淨治平坦散五色花燒衆名香於虛

空中懸衆繒鬘種種伎藝諸妙音樂
行列道側一時俱作王意熙怡前詣
佛所

父子合集經卷第二

孔目官臣 秘永

講圓覺仁王經百法因明論賜紫沙門 臣文正 證義

講仁王經因明唯識論沙門 臣法秀 證義

講法華經因明論賜紫沙門 臣可照 證義

講唯識因明百法論明義大師賜紫沙門 臣清衍證義

講楞嚴經慈濟大師賜紫沙門 臣智孜證義

講圓覺經文章文惠大師賜紫沙門 臣智晉證義

左街崇義講仁王經因明百法論慈雲大師賜紫沙門 臣清振證義

左街講論百座講百法論宣密大師賜紫沙門 臣顯靜證義

右街副僧錄講法華經百法因明論澄觀大師賜紫沙門 臣文素綴文

左街副僧錄講百法論文章文鑒大師賜紫沙門 臣用寧綴文

父子合集經卷第三

滅

西漢經義朝散大夫試鴻臚卿袁宏師賜經目曰稱等秦詔釋

淨飯王致禮如來品第三

爾時淨飯王將諸釋種前後圍繞詣
尼拘律陀園中到已即下寶飾車乘
與諸臣從徒步而進世尊知已欲化
父王捨除憍慢發生淨信即陞空中
現神變相遊行往來自在無礙時娑

娑世界主大梵天王在如來大帝釋
天主居如來右嚧摩天王都史多天
王樂變化天王佗化自在天王各各
執持種種寶蓋隨從如來乘空而行
多聞天王持國天王合掌作禮住立
東面增長天王廣目天王頭頂致敬
住立西面復有六欲諸天眷屬雨諸
天花優鉢羅花拘沒那花奔拏利迦

花曼陀羅花及雨上妙細末旃檀沉
水香等諸天伎樂衆妙歌舞於虛空
中一時俱作

爾時卅尊以神通力化作無數七寶
樓閣微妙莊嚴光明赫弈令彼時會
若天若人互相往來各得相見是時
衆會心大歡喜從昔已來未曾有也

時淨飯王觀斯瑞相生希有心即作
是說如來昔日爲太子時不以四天
下轉輪王位富貴自在心生顧戀今
於三千大千世界爲大法王具足聖
財神通自在常得諸天恭敬圍繞勝
過於彼不可比喻我今唯有釋種眷
屬及諸人民而爲侍從作是說已喜

悅無量生清淨心偏袒右肩右膝著
地合掌恭敬瞻仰如來頭面致禮復
作是言世尊初生無人扶持即行七
步觀眎十方我於世間最尊最勝更
無過上越老病死盡苦邊際我於爾
時見是事已心生歡喜曾伸禮敬又
復世尊爲太子時往田野中觀於農
作憩閭浮樹蔭涼之下日雖西昃其

影不移是時復有六欲天子合掌恭
敬侍立其側我於爾時亦伸禮敬今
觀世尊現是瑞相乃爲第三向佛作
禮時淨飯王欲重宣此義而說偈言
福智無比兩足尊 初生即行於七步
唱言世間獨爲勝 我於彼時曾致禮
又觀農作憩陰涼 日昊其影不移動
六欲諸天侍其側 我於彼時伸禮敬

今佛現此神變相 愍念於我及衆生
世閒無有如佛者 此乃第三頭面禮
昔日我爲立其名 號曰一切義成就
已得佛果遂風心 喜悅猶如飲甘露
時六欲天子知淨飯王一心渴仰欲
觀如來先於尼俱律陀園中爲佛世
尊敷師子座其座高勝諸珍嚴瑩即

以天中橋奢闍衣上妙白氎鋪設其
上又彼林中自然化出衆妙衣服周
帀莊嚴處處垂下設座畢已迎請卅
尊安坐其上我自捨家至于成佛乃
與父王初得相見作是念已從空中
下時淨飯王獲奉如來心大歡喜得
未曾有瞻仰粹容目不暫捨尊重讚
歎問評慰勞佛於座上結加趺坐王

與釋種退坐一面

是時復有色界諸天皆來佛會所謂
梵衆天梵輔天大梵王天少光天無
量光天極光淨天徧淨天無量淨天
無雲天福生天廣果天無煩天無熱
天善現天善見天色究竟天等觀佛
世尊爲化父王現斯瑞相咸皆歡喜
共相慶慰各持天中曼陀羅花摩訶

曼陀羅花而散佛上又復以諸上妙
天衣懸於空中而爲供養復以種種
嚴身之具寶冠耳璫指環臂釧珠珮
瓔珞珂珙束帶或以黃金爲鬘衆寶
間飾衆寶爲鬘黃金間飾如是寶鬘
貫以金線巧妙光麗奉上如來又以
種種上妙寶蓋寶幢寶幡行列供養

時諸天子作供養已頭面作禮住虛
空中散諸香水如微細雨各各合掌
以偈讚佛

歸依最勝大丈夫善能攝化群生者
具大福智及名聞一切世間無與等
歸依最勝大丈夫勝慧深廣難思議
大悲憐愍諸有情爲說四諦真實法
歸依最勝大丈夫永離貪恚愚癡垢

巍巍相好徧莊嚴
猶若金山顯大海
歸依最勝大丈夫
能摧異論無怯弱
咸令捨除迷妄情
具修正見清淨行
我等自惟宿福慶
得值能仁出世間
以此供養少善根
迴向自佗得作佛
父子合集經阿修羅王授記品第四
爾時世尊爲化父王現神變已時彼
會中有諸阿修羅王矚是瑞相心各

父子合集卷三

第五張

滅字号

踊悅復見色界諸天子等廣大供養
深生隨喜時有上首尾麾唧怛囉阿
修羅王而作是言我今於佛最初供
養以神通力於彼園中即時化作六
十那庾多衆寶網幔雜色間飾彌覆
空中寶幔之下復現六十那庾多寶
莊嚴地寶地之上復現六十那庾多

殊妙樓閣一一樓閣寶爲其門黃金
樓閣以銀爲門琉璃爲牖碑礫爲柱
玻璃爲拱礪礪爲地真珠等寶間飾
莊嚴白銀樓閣以金爲門琉璃爲牖
珊瑚爲柱碑礫爲拱玻璃爲地真珠
等寶間飾莊嚴乃至礪礪樓閣玻璃
爲門如是七寶所成樓閣戶牖柱拱
次第莊嚴一一門中各現衆寶師子

之座於座左右皆有修羅童子童女
手執白拂或持寶扇侍立其側一一
座上有衆寶蓋於前後現衆色寶幢
於黃金門現出青幢黃色爲頂黃金
爲幹於白銀門現出黃幢青色爲頂
赤寶爲幹於琉璃門現出紅幢赤色
爲頂黃金爲幹於衆寶門現彩畫幢
衆色爲頂白銀爲幹如上所現衆寶

網幔寶地樓閣寶幢幡蓋迴轉空中
繞佛三帀行列而住如三十三天伊
羅鉢那大龍象王徐行旋繞帝釋天
主亦復如此又復降雨天諸妙花所
謂曼陀羅花摩訶曼陀羅花曼殊沙
花摩訶曼殊沙花波嚩沙迦花摩訶
波嚩沙迦花迦哩迦囉縛花摩訶迦

哩迦羅縛花鉢吒羅花摩訶鉢吒羅
花唧怛羅鉢吒羅花摩訶唧怛羅鉢
吒羅花又雨七寶所成之花黃金花
白銀花磤磤花碼碯花吠琉璃花玻
胝迦花真珠花等復雨瓊瑤玳瑁之
具時會所樂皆得如意又復降雨衆
妙香水塗香末香沉水香等時迦毗
羅城所積之花舉高七尺廣六由旬

與其香水合和成泥佛神力故其香
普薰徧滿三千大千世界其中衆生
若天若人聞是香已皆發阿耨多羅
三藐三菩提心得不退轉彼阿修羅
王作供養已乘七寶車繞佛三匝合
掌向佛以偈讚曰

最勝無動尊

圓成菩提果

能化諸有情

出離於三界

我以清淨心

現前伸供養

願得如世尊

永脫輪迴苦

牟尼大聖主

離染除諸惑

堪爲天人師

揀拔超彼岸

善宣微妙法

調伏諸衆生

度老死苦厄

故我稱讚禮

時尾摩唧怛囉阿修羅王偈讚佛已

我今供養心猶未足復以海中所有
一切無價珍寶奉上如來以神通力
化作六十那庾多微妙寶車一一寶
車以調順馬而駕御之皆以金寶裝
校嚴飾一一車上有妙幟蓋懸衆寶
鈴出聲和雅其上各有阿修羅女色
相具足獻妙歌舞作諸伎樂其聲嘹
唳聞者無厭佛神力故令此樂音徧

徹三千大千世界其中有情聞是聲
已身意泰然離諸染著皆於阿耨多
羅三藐三菩提心不退轉時阿修羅
王作供養已與其眷屬心大歡喜合
掌向佛重說偈言

願我常親近

牟尼大導師

設最上供養

得盡諸苦際

爾時會中復有阿修羅王名曰極喜

發清淨心廣興供養一一供養與尾
摩唧怛囉阿修羅王等無有異作供
養已乘七寶車繞佛三匝合掌向佛
以偈讚曰

歸依無上十力尊具修無邊真實行
決定了達一切法永斷諸惑得無畏
歸依三界大導師解脫有愛諸結縛

已超菩提勝彼岸復能拯拔沉溺者
如來善說出離道衆生聞已咸信受
皆令清淨滌諸染猶若蓮花不著水
牟尼勝智善觀察了諸法空亦無相
不著一切有爲行譬如虛空無所依
爾時會中復有阿修羅王名曰妙臂
發清淨心廣興供養一一供養與極
喜阿修羅王等無有異作供養已乘

七寶車繞佛三匝手捧金粟散如來
上合掌向佛以偈讚曰

稽首吉祥調御師天中世間無與等
了知衆生性本空但有假想如陽燄
無作無受無衆生無我無人無彼此
無言無說自性空諸法本來常寂靜
推求諸法不可得則於佛教善入解
是人得名法王子隨順先佛之所行

我今於佛伸供養調伏難化諸衆生
以此稱讚少善根迴向自佗皆作佛
爾時會中復有阿修羅王名曰大力
發清淨心廣興供養一一供養與妙
臂阿修羅王等無有異作供養已乘
七寶車繞佛三匝以諸寶花而散佛
上合掌向佛以偈讚曰

稽首大法王
已渡生死海
教導諸有情
越四種瀑流
甚深微妙慧
知衆生所欲
常以大悲心
破彼邪妄智

慧眼照三有
到究竟彼岸
除惑無怖畏
得至安隱處
窮世間源底
深著顛倒想
開示令覺悟
具足真實見

了達一切法
如幻化陽燄
牟尼最勝尊
皆令修正行
如來出世間
自性無所得
如世間愚夫
畢竟不可得

無垢無所著
亦如水中月
眇衆生如子
不著於三世
了法皆虛假
佗性悉皆空
夢中受欲樂
應當如理思

爾時會中復有阿修羅王名曰羅睺
發清淨心廣興供養一一供養與大
力阿修羅王等無有異作供養已乘
七寶車繞佛三匝復以上妙唧怛囉
鉢吒羅花而散佛上合掌向佛以偈
讚曰

巍巍無上士

身光極晃耀

諸天及世人
猶若以芥子
亦如牛跡水
如來妙色相
一一相端嚴
妙相難思議
如日照世間
佛威德光明
無有如佛者
比於彌盧山
以況於溟渤
世間無與等
觀者心無厭
超過一切色
餘光皆隱沒
映蔽諸天衆

如月現長空

星光皆晦昧

慧深如巨海

身相若金山

佛身智光明

三界無倫匹

爾時會中復有阿修羅王名曰淨戒
發清淨心廣興供養一一供養與羅
睺阿修羅王等無有異作供養已乘
七寶車繞佛三匝復以摩訶唧怛囉
鉢吒羅花而散佛上合掌向佛以偈

讚曰

牟尼具勝智光明能破貪恚愚癡暗
成就最上奢摩佗降注法雨沃羣品
如來金剛座道場熾然智炬照三有
能藝衆生煩惱薪使無遺餘成灰燼
無量百千俱胝劫積集任持妙法藏
普施熱惱諸群迷聞者皆如飲甘露

如來出現於世間能示衆生正法眼
無明生死長夜中智慧摩尼能顯照
爾時會中復有阿修羅王名喜鬬戰
發清淨心廣興供養一一供養與淨
戒阿修羅王等無有異作供養已乘
七寶車繞佛三匝復以上妙鉢吒羅
花而散佛上合掌向佛以偈讚曰
歸依聖主釋師子於諸法中得無畏

猶如勇將擐甲冑 降伏佗兵無怯弱
能仁諸根常寂靜 不爲煩惱所動亂
永盡三毒一切垢 餘習展轉不復起
如來六返觀衆生 無愛無憎無分別
安住無緣廣大慈 於冤親境悉平等
佛知衆生種種想 各各開示祛諸妄
皆令善住正思惟 了心如幻無所著
爾時會中復有阿修羅王名曰妙眼

發清淨心廣興供養一一供養與喜
鬪戰阿修羅王等無有異作供養日
乘七寶車繞佛三匝復以摩訶鉢吒
羅花而散佛上合掌向佛以偈讚曰
大威德世尊
了諸法實相
所謂諸法者
從因緣故有
無法無非法
尋求不可得

若有法可說

此說唯假名

如是種種相

本來常寂靜

無名亦無相

牟尼之所說

雖說而無說

少分不可得

說者既亦無

聽者亦如是

善達如是義

不著一切法

則能行大行

是名真佛子

爾時會中復有阿修羅王名越三世

發清淨心廣興供養一一供養與妙
眼阿修羅王等無有異作供養已乘
七寶車繞佛三匝復以殊妙真珠瓔
珞奉施如來合掌向佛以偈讚曰

如來具足諸功德淨戒威儀悉圓滿
四種魔軍智伏除三界無與佛齊等
如來定力無能動非淺智者所能測
行住坐卧定相應現諸利樂神通事

如來勝慧無過上於大衆中師子吼
善說妙法破群疑攝化一切諸外道
如來身色超三有種種相好徧莊嚴
光明赫弈若金山廣修檀施所獲得
爾時會中復有阿修羅王名曰普耀
發清淨心廣興供養一一供養與越
三世阿修羅王等無有異作供養已

乘七寶車繞佛三匝復以衆妙珍寶
散如來上合掌向佛以偈讚曰
我等捨離五欲樂來詣佛所伸供養
各見如來對已前此不共德難思議
一音所演清淨法或樂廣說或略說
各隨意欲而解了此不共德難思議
一音所演清淨法隨其趣類各得解
如來善巧應其機此不共德難思議

一音所演清淨法或令修習或調伏
或有獲證諸果利此不共德難思議
爾時會中復有阿修羅王名曰真隣
陀發清淨心廣興供養一一供養與
普耀阿修羅王等無有異作供養已
乘七寶車繞佛三匝以赤真珠而散
佛上合掌向佛以偈讚曰
如來善化於父王捨除憍慢及邪見

令發堅固淨信心此爲最上無比子
法無自性從緣生如夢受樂非實事
應知彼樂隨想起是則名了諸法性
譬如秋空起浮雲妄情執有非堅固
依於牟尼教法中智者不應增我慢
心善觀察不放逸則於世間無所著
是名安住佛法中當證如幻三摩地

時諸阿修羅王作供養已各各合掌
位立佛前身意泰然快得善利皆發
阿耨多羅三藐三菩提心爾時世尊
知諸阿修羅王心之所念於大眾中
現微笑相即於面門放五色光其光
徧照普佛世界繞佛三匝復從世尊
頂門而入時尊者馬勝觀是相已從
座而起徧袒右肩右膝著地頭面作

禮白言世尊以何因緣現斯瑞相合
掌向佛以偈問曰

人中最勝釋師子現斯瑞相非無因
唯願大悲爲我說聞已皆使心安泰
六十那由阿修羅廣大淨心興供養
將非如來與授記令彼聞已生歡喜
時會咸作是思念放此光明非小緣
唯願如來愍我輩爲說現相之所以

為當有發菩提心 或復初生於淨信
如來各各悉了知 願使眾疑速當說
爾時世尊以偈荅曰

善哉馬勝大比丘 汝能諮問放光事
我今欲於眾會中 記別最上真實果
諸阿修羅興福業 志求無上大菩提
貪恚障深悉蠲除 如手觸空無所礙

由此發生清淨意 廣興無邊妙供養
後當捨此修羅身 常生勝處增明慧
未來過彼河沙劫 親近承事諸如來
後身得作法中王 相繼成佛同名号
皆稱最上燈如來 名聞普徧十方界
教化六十那由多 衆生聞法咸得度
國土廣博極嚴淨 盡一三千大千界
其中受化諸衆生 具足福德及智慧

不造一切非法業
皆修平等安樂行
彼佛皆說無諍法
聞者無著亦無礙
佛壽六十那庾多
衆生住命等無異
彼諸如來化緣終
機感相從亦入滅
次第紹隆得作佛
國土壽量悉同然
亦化如上諸有情
受持正法爲佛子

父子合集經卷第三

1	2	3	4	5	6	7	8	9	10	11	12	13	14	15	16	17	18	19	20	21	22	23	24	25	26	27	28	29	30	31	32	33	34	35	36	37	38	39	40	41	42	43	44	45	46	47	48	49	50	51	52	53	54	55	56	57	58	59	60	61	62	63	64	65	66	67	68	69	70	71	72	73	74	75	76	77	78	79	80	81	82	83	84	85	86	87	88	89	90	91	92	93	94	95	96	97	98	99	100
---	---	---	---	---	---	---	---	---	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	-----

父子合集經卷第四

藏

要讀藏經試鴻臚卿袁克勤賜紫門目昇等奉詔譯

如來本行品第五

爾時尊者大迦攝波見諸阿修羅王
於佛會中以神通力化作廣大諸供
養已歎未曾有而作是念如來昔行
菩薩道時種何善根乃能獲得如是
最上殊勝果報作是念已入三摩地

一心觀察由佛加持即能憶念無量
無邊阿僧祇劫世尊往昔在在處處
精勤修習無量無邊廣大福業一一
顯現諦了無疑假使十方殫伽沙數
世界其中所有一切衆生皆得人身
復於爾所河沙劫中一一有情各興
供養如彼尾摩唧怛囉阿修羅王所
有福蘊不及如來一發無上正等覺

心所有功德不可爲比時尊者摩訶
迦攝波從定起已歡喜合掌以偈讚
佛

往昔牟尼大聖王誓求無上大菩提
修羅雖興廣供養不及發心所得福
如來聖德超三界於天人中無等倫
旃檀香積若須彌堪受如斯大供養

上妙塗香極清涼其量深廣如巨海
人中師子出世間堪受如斯大供養
或散種種上妙花積聚高若輪圍頂
如來聖德妙難思堪受如斯大供養
以大海水爲膏油蘇彌山量爲其炷
然燈奉施大導師堪受如斯大供養
或以無數妙花鬘奉上如來及塔廟

佛具廣大勝威德堪受如斯大供養
設於無量俱胝劫持以萬億妙寶蓋
如來善化於父王堪受如斯大供養
於不思議俱胝劫以寶幢滿十方界
如來成就大慈門堪受如斯大供養
復於無量俱胝劫以河沙數妙繒幡
牟尼利樂諸衆生堪受如斯大供養
如來善說諸法要衆生咸悉能聽受

辯才無礙法中王言辭善巧無相似
假使殫伽沙世界其中所有諸衆生
皆爲十力天人師同出世間成佛道
如是無數河沙佛各各化出無量首
一一首現百千口復於口有百千舌
於彼殫伽沙劫中稱讚如來功德海
壽量智慧及發心不能了知一少分
爾時世尊讚尊者摩訶迦攝波言善

父子合集經第四 第三張

滅字号

哉善哉迦攝波汝今於彼聲聞衆中
具修梵行了達諸法現證實際心得
寂靜於我所證功德蘊中善能入解
思惟觀察我已成就無量無邊不可
思議福德之聚已到最上第一彼岸
迦攝止於如來一發大心所有福報
若有色相十方所有河沙世界不能

容受假使十方殍伽沙數諸佛世尊
同出於世復於爾所殍伽沙劫欲說
如來一發大心所有功德不能窮盡
所以者何如來昔修菩薩行時無一
發心不爲攝受利益安樂一切有情
彼有情界無限量故如來發心亦無
限量以有情界畢竟無盡故如來發
心亦復無盡是故我今得諸天人阿

修羅王如是供養假使十方殑伽沙
世界其中所有一切衆生皆作供養
如彼阿修羅王猶不能及一發大心
所獲功德所以者何彼諸有情心不
清淨著果報故迦攝當知過去無量
諸佛出世初發大心皆爲憐愍一切
有情令脫輪迴得涅槃樂我今所作
亦復如是復次迦攝我念過去無量

無邊不可稱數不可思議阿僧祇劫
爾時有佛出現於世名曰帝幢如來
應供正徧知明行足善逝世間解無
上士調御丈夫天人師佛世尊其佛
刹中所有衆生不造罪惡心無散亂
不起邪思無顛倒見及彼憍慢身語
意業畢竟清淨伏除煩惱離惡趣因

精勤修習互相策勵能於生死長夜
之中發勇猛心愛樂大乘聽聞正法
如理修行彼佛刹中有五種樂一者
欲樂二出離樂三者定樂四者等持
樂五菩提樂彼諸衆生而常受用如
是快樂雖受彼樂而不耽著如蜂採
花但延其命如禽飛空無所罣礙此
諸衆生亦復如是又彼有情無貪恚

癡種種惡業煩惱過患隨先善業而
受其樂何以故彼佛修行菩薩道時
所化衆生唯純善行設有先世不善
故業現善根力銷伏不起是故彼土
一切有情唯一樂受相應現行又彼
佛土無種種難暴惡風雨祁寒酷熱
隨時所欲即降甘雨又被衆生常樂
聞法各能了達尊重恭敬設若經行

父子合集經第四 第五張 滅字号

若坐若立思惟義趣深入法味無有
疲倦未嘗睡眠四威儀中精勤修習
由法樂故不生勞苦唯修正斷無顛
倒見設有錯悞尋即改悔故無苦受
又彼如來昔修行時身語意業未嘗
錯謬凡有所作智爲先導說菩薩法
化諸衆生彼聞法已隨智慧行所作

義利非癡愛俱故無不苦不樂受彼
國衆生其心平等於一切處如理安
住故無冤憎會苦又彼衆生無彼無
此於一切法心無所著故無愛別離
苦又彼衆生於諸善法不生輕慢亦
不毀訾故無求不得苦彼國衆生有
爲所遷唯有行苦何以故其佛常說
第一義諦微妙法故

復次迦攝彼帝幢如來出現於世壽命長遠無量無邊恒河沙劫其中衆生各各具足廣大辯才善說法要皆爲過去諸佛世尊教化成熟來生其中迦攝於汝意云何如是廣大嚴淨佛土頗有無信無戒無定無慧寡聞懈怠如有有情得生彼不迦攝白言不也世尊迦攝於汝意云何如是廣

大嚴淨佛土頗有微細善根少劣善
根怯弱善根業集煩惱爲苦所攝如
是衆生不淨迴向得生彼不迦攝白
言不也世尊如是佛刹其中生者具
足善根純淨無雜住正思惟解脫諸
苦多聞精進清淨迴向皆蒙先佛久
已化度如是衆生得生其中佛言迦

攝善哉善哉如汝所說其事如是昔
帝幢如來者於汝等意云何知是誰
也時諸比丘默爾無對當於是時東
方去此過殍伽沙世界有國名月光
莊嚴是中有佛名光明聚現在說法
彼佛會中有妙吉祥童子遙聞此界
所問因緣知諸大衆無能答者時彼
童子即白佛言我今應往娑婆世界

釋迦牟尼佛所爲彼時會答其所問
時光明聚如來謂童子曰隨意當往
是時童子即從彼沒以神通力屈伸
臂頃至娑婆世界釋迦牟尼佛所頭
面禮足住立一面時佛世尊語童子
言以何因緣而來至此時妙吉祥童
子合掌白言我爲衆會答前所問自
遠而來彼往昔帝幢如來豈異人乎

父子集合經第四 第七張 滅字号

即今釋迦牟尼如來是也所以者何
由佛世尊具足成就不可思議微妙
功德方便善巧憐愍有情皆令安住
菩提之道時衆聞已咸共讚言善哉
童子善答斯問決衆疑網汝今所說
是爲正說是真實說是最上說爾時
童子爲彼衆會而說偈言

聖主釋師子

具勇猛精進

憐愍於世間

現不思議事

彼牟尼世尊

過去已曾作

八十俱胝佛

成熟諸有情

常以大悲心

嚴淨佛國土

淺識不能知

種種善方便

不捨初發心

隨機而應現

亦於未來世

復現無量身

或現爲釋梵
徧法界有情
或現王宮生
乃至入涅槃
或隨其種類
不染世間法
或涕淚悲泣
或乘空往來

或示作魔王
莫能知少分
成道轉法輪
顯現佛功德
現作女人相
如蓮性本淨
或歌舞嬉戲
皆爲作佛事

怖者令安隱

慢者令柔順

爲利彼衆生

現種種調伏

癡者令離癡

愚者示明智

爲利彼衆生

作權巧方便

狂者得正念

跛者得安行

爲利彼衆生

現諸神變事

是故我稽首

不思議精進

晉化諸有情

皆令入佛道

父子合集經迦樓羅王授記品第六
爾時會中復有六萬八千迦樓羅王
見諸阿修羅王作供養已復聞如來
與彼授記發隨喜心廣興供養以神
通力即時化作六萬八千殊妙樓閣
一一樓閣七寶所成所謂金銀琉璃
磲磔碼碯珊瑚玻瓈皆有七重第一

層級黃金爲柱椽栱拱白銀爲之
衆寶裝鉸第二層級白銀爲柱椽栱
枅拱黃金爲之諸珎嚴飾乃至第七
珊瑚爲柱眞珠等寶雜廁間飾如是
樓閣一一皆有寶網羅上或黃金網
白銀爲網乃至眞珠以爲其網復懸
無數衆妙寶鈴微風發聲聽者無狀
復現六萬八千寶蓋諸珎間錯光明

父子合集經第四 第九張 病室

顯照復現六萬八千寶幢衆色相間
珠珎嚴飾復現六萬八千繒幡五色
綵錯甚可愛樂復現六萬八千寶幔
或黃金線而用合成或以銀線吠琉
璃線真珠等線巧妙嚴飾時迦樓羅
王即以如上所現六萬八千七寶樓
閣衆寶網幔寶幢幡蓋奉上如來於

虛空中次第行列徐行旋轉繞佛三
帀如三十三天愛囉嚩拏大龍象王
繞天帝已住立一面爾時迦樓羅王
合掌向佛以偈讚曰

稽首歸依無上士一切世間無與等
能超生老病死因解脫輪迴諸苦厄
願我速成就佛身具足妙相三十二
八十種好徧莊嚴如那羅延堅固力

願我如佛真金色圓光丈六常照明
行住坐卧威儀中攝化有情令出塵
願我堅持諸禁戒住勝最上三摩地
以方便智利群生皆使得成菩提道
願我此身永除斷爲佗乘馭嗔恚心
如佛具足太慈悲獲得十八不共法
了知諸法從緣起如幻如夢如谷響
悉同牟尼大導師於人天中廣開示

爾時世尊知諸迦樓羅王深心了達
志固精進現微笑相放五色光時馬
勝比丘觀是事已頭面作禮合掌恭
敬以偈問曰

歸依無上天人師 現此希有難思事
放斯光明非無因 憐愍我等爲演說
迦樓羅王興供養 寶幔彌覆於空中

世間皆未曾見聞 願兩足尊說斯義
今此衆會諸人天 合掌欣悅懷希望
願聞爲彼迦樓王 演暢未來解脫果
佛爲最上天人尊 能赴群生之所欲
唯願如來爲宣說 令彼大衆除疑怖
衆會若得離疑怖 則能發生歡喜心
若聞如來授記言 當具奉行諸佛教
唯冀大慈垂護念 除疑增長諸善根

各各合掌願欲聞迦樓羅王得佛道
爾時世尊爲馬勝比丘說伽陀曰
善哉馬勝善諮問放光現笑之所因
吾今當說應諦聽令汝除疑生喜悅
迦樓羅衆興福行誓求無上大菩提
當成無畏十力尊獲斯勝報名爲佛
由彼淨心供養故定招相好所莊嚴
十八不共法難思脫那羅延所乘馭

由是堅持於淨戒安住清淨三摩地
修習勝慧六神通嚴淨一切諸佛刹
由彼淨心供養我後身脫此傍生報
畢竟不歷惡趣生常受人天勝福樂
過彼瓊伽沙劫數供養承事諸如來
善能調伏諸根門然後皆當得作佛
同稱彌盧幢如來十号具足刹嚴淨

其劫名爲自然生 其土無彼三惡趣
其中所有諸衆生 容儀挺特無殘缺
彼佛壽命極長遠 八萬四千俱胝歲
如是次第得成佛 國土壽量悉同等
各各化度諸衆生 八十那庾俱胝數
皆令捨除憍慢習 盡祛纏蓋獲清涼
安住無生解脫門 遠塵離垢心清淨
以彼本有身金色 恃其大力生憍慢

是故成佛爲有情
先令斷除憍慢法
彼等過去無數劫
曾爲苦行大仙人
其數六萬有八千
常樂修習神通事
彼諸仙人得通已
謂已自在世希有
雖持禁戒具威儀
安住山林生我慢
由是墮於金翅中
緣昔神通有大力
以持戒故見我身
忘失菩提因我慢
我今與授成佛記
略說先因令覺了

父子合集經第四 第七十一張

藏字房

廣為利樂諸衆生聞者咸共生歡喜
父子合集經卷第四

孔目官日稿 永和

講仁王經百法因明論沙門日 方信 證義

講圓覺仁王經百法因明論賜紫沙門日 文正 證義

講法華經因明論賜紫沙門日 可照 證義

講唯識因明白法論明義大師賜紫沙門目 清淨證義

講楞嚴經慈濟大師賜紫沙門目 智教證義

講圓覺經文章文惠大師賜紫沙門目 智魯證義

左街曉戒講仁經因明白法論慈惠大師賜紫沙門目 清振證義

左街講論首座講百法論宣密大師賜紫沙門目 顯靜證義

右街副僧錄講法華經百法因明論澄鑒大師賜紫沙門目 文素綴文

左街副僧錄講百法論文章文鑒大師賜紫沙門目 用寧綴文

梵學清梵大師賜紫沙門目 智實筆受

梵學崇梵大師賜紫沙門目明遠筆受

西天廣梵大師賜紫沙門目天吉祥證梵義

梵才大師賜紫沙門目惠詢奉詔回譯

朝散大夫試鴻臚卿宣武軍節度使兼御史大夫
裴賢奉詔回譯

入內侍省內東頭供奉官勾當御藥院監譯經目李舜舉

父子合集經卷第五

滅

西天譯經三藏朝散大夫試鴻臚卿宣梵大師賜紫沙門目日稱等奉詔譯

龍女授記品第七

爾時會中復有九十六俱胝龍女見
彼阿修羅王迦羅樓王於世尊所作
供養已復聞如來各與授彼成佛之
記心大歡喜踴躍無量發清淨心廣
陳供養此諸龍女以神通力化作九

十六俱胝青色傘蓋二傘蓋吠琉璃
寶而作千骨巧妙安布黃金爲柄真
珠爲網垂諸花鬘諸珍嚴飾復化九
十六俱胝上妙良馬亦以衆寶裝鉸
嚴飾吠琉璃寶而爲轡勒又復變現
衆寶網幔其量周廣六十踰繕那徧
覆一切諸來大衆寶幔之下而現一
殊妙摩尼寶珠光明顯照無不明了

復現九十六俱胝衆寶花鬘巧妙奇
絕周徧垂下又復懸綴無數寶鈴微
風動搖其聲和雅猶如天樂聞者無
厭復以細末多摩羅跋旃檀香沉水
香等散如來上復散優鉢羅花詹博
迦花及散無量上妙衣服種種無量
雜色瓔珞種種無量雜色花鬘是諸

父子合集經第五 第二張 滅字号

龍女各乘彼馬張設傘蓋於虛空中
繞佛三帀復奏龍宮種種音樂其聲
清婉衆所樂聞又於迦毗羅城降諸
塗香及衆香水如雨而下與其香花
合和成泥縱廣六十踰繕那以彼如
來威德加持令此樂聲及香水泥普
聞三千大千世界其中衆生聞此聲

香皆於阿耨多羅三藐三菩提得不
退轉是諸龍女作供養已頭面禮敬
合掌向佛以偈讚曰

我等宿慶值於佛淨心忻樂興福業
供養牟尼大導師異脫此身龍女報
化出九十六俱胝衆寶莊嚴妙傘蓋
供養無上調御師以此善因求出離
復化九十六俱胝調順善御青色馬

上妙青寶以莊嚴 皆爲供養如來故
復化九十六俱胝 青色寶幢空中轉
一一皆以身語心 頭面作禮伸迴向
諸龍宮中妙樂音 一時俱奏聲清徹
牟尼出現於世間 堪受如斯大供養
如是種種樂音聲 遠徹三千大千界
其中衆生若得聞 皆得菩提不退轉
復現廣大一寶幔 縱廣六十踰繕那

周匝普徧於空中 廣覆諸來大集會
中現最上摩尼珠 熾盛光明悉委照
普於天人大會中 淨心忻喜爲供養
我等以此少善根 志求寂靜菩提果
一如牟尼大導師 成就甚深微妙慧
教化饒益諸衆生 解脫塵勞諸結縛
亦如十力無上尊 演說無邊清淨法

諸有爲法如幻化 亦如聚沫非堅牢
如空注雨起浮泡 自性虛假無主宰
智者觀諸世間法 譬如鏡中現影像
衆生體性亦同然 唯佛現證如實說
愚夫不了謂爲實 於虛妄境生執著
畢竟諸法本來空 此愚癡者自欺誑
由彼迷妄無知故 不達諸法真實性
如來由是出世間 顯示無我不可得

譬如秋空起浮雲
暫時顯現湏臾沒
當知我相本來無
智者諦觀何所有
如是一切世間法
皆無自性非真實
但能誑惑諸根門
愚夫由此增狂亂
牟尼超越於三界
了諸法性無分別
若依如來教奉行
一切世間皆解脫
若人聞是深妙法
心生忻樂正思惟
則能越離生死泥
此非愚者之境界

是故我今頭面禮無煩惱者天人師
大悲能拯苦衆生爲舟爲舍爲依怙
我等供養於如來爲求無上菩提故
當宣法要警群迷普願自佗成佛道
爾時如來知諸龍女心之所念希望
授記即現瑞相放大光明時尊者馬
勝觀是相已頭面禮足合掌向佛以

偈問曰

世出世間勝智者 忽興神變放光明
時會觀此稱吉祥 非無因緣發斯瑞
人中最上牟尼主 願說光相之端由
諸天人民龍鬼神 聞已咸生歡喜念
如來威德聖中聖 於世間法無不了
憐愍攝受諸衆生 說此放光神變事
如來慧力妙難思 窮盡諸法實相義

衆會瞻仰願欲聞
牟尼久已成正覺
何因放此大光明
今此大衆心寂然
一心瞻仰於如來
若人於事未決了
由此皆墮疑網中
誰於今日發大心

各令知己心安隱
能與群生作義利
願說咸得除疑惑
堪能領解深法義
聞已各發菩提意
其心掉動則生惱
唯冀洪慈速開示
何佛佗方說大法

誰得菩提破魔軍
放此光明甚希有
何人廣興淨福業
佛憐愍故放淨光
聖主師子十力尊
於大衆中無畏說
我等若蒙佛顯示
離諸疑怖心泰然
咸生清淨隨喜心
各各奉行於佛教
爾時世尊爲尊者馬勝說伽陀曰
善哉馬勝大比丘
汝能諮問放光事

吾今於此衆會中爲說龍女未來果
汝等一心當諦聽離諸散亂染因緣
聞我說此放光因增長人天諸善利
此諸龍女心開解能以智慧觀實相
了知諸法本性空不著世間業果報
無人無我無衆生亦無作者及受者
補特伽羅自相空猶如陽焰鏡中像
諸龍女等植德本共興廣大淨福業

善能安住佛法中了世間法皆如幻
如是作諸供養已誓求佛果大菩提
後當捨此龍女身得生三十三天上
得爲帝釋天宮主受用妙樂無毀訾
具天壽量大名聞復往焰摩天中住
得生焰摩天宮已具足受彼殊妙樂
佛子安住此天中自在得終天壽量
後復生於梵率天得彼天衆常愛敬

雖受快樂心不著猶若蓮花性本淨
由彼宿習出世智常觀諸法皆空寂
譬如刻石畫長存安住正念無移動
後生樂變化天中天子天女常圍繞
不爲佗毀有名稱滿彼壽量無中天
受彼最上五欲樂而與正念常相應
善修三種解脫門畢竟入解真空法

復生佗化自在天得彼天衆常恭敬
清淨意樂住其中任持正法心無動
所欲受用皆佗變不起染著癡愛心
佛子安住彼天宮得盡彼天壽邊際
由於欲樂生厭患忻求定地伏諸惑
獲得諸禪解脫門由此得生梵天上
由彼定生諸善根受用喜樂一中劫
定中適悅勝難思漸能進趣菩提道

住彼梵宮經一劫專修正行淨無雜
善巧方便利有情無冤親想心平等
於喜妙樂悉通達亦不味著諸禪定
善能覺悟寂諸根是爲最上牟尼子
彼梵天說自然法不與業果理相應
唯此真實解脫門畢竟超越於三界
若人於此生信解善能引導諸衆生
速成無上妙菩提是則名爲世間眼

彼龍女等生梵世饒益利樂諸天人
教化令發清淨心皆能進趣菩提道
往詣無邊佛刹土供養承事諸如來
過彼未來星宿劫同成佛號寂諸根
彼等聞佛授記已心淨踴躍志堅固
時會咸生歡喜心各各頭面禮佛足
父子合集經龍王授記品第八

爾時難陀烏波難陀龍王與其眷屬
九十俱胝龍衆見諸龍女供養如來
得授記已身意泰然得未曾有稱讚
如來究竟滿足廣大威德神通無礙
能知衆生心之所念所作事業皆悉
聞知各各現證無不了達然彼如來
大悲增上或不待請即爲說法或非
時說皆爲教化成熟有情除煩惱熱

得涅槃樂隨機授法必令得果乃至
女人志意動亂於姪怒癡自性增上
設聞法要不能領解亦得如來之所
化度如彼六十俱胝龍女猶獲授記
何況我等豈不蒙益時彼龍王作是
說已於世尊所生難遭想以神通力
興大香雲滿閻浮提徧覆一切諸山
大海雨衆香水旃檀末香其香遠聞

普佛世界又復於彼迦毗羅城兩赤
真珠積至于膝縱廣量等六十踰繕
那復於尼拘律陀林中普散無量龍
自在花散已復散變成花殿其量亦
廣六十踰繕那七寶相間而爲其柱
復以半拏紺末羅石以甃其地其石
柔軟觸之清涼衆所樂觀非世所有

復現九十俱胝衆寶花鬘周匝垂下
又復懸挂衆色名衣復現種種巧妙
繒幡香鬘寶鬘真珠鬘等周徧莊嚴
殊妙清淨又復涌出無數寶藏行列
殿中而爲供養又復出現最上無價
摩尼寶珠以成其鏡表裏瑩徹無不
交照乃至迦毗羅城時會大衆種種
供養殊勝莊嚴於其鏡中皆悉顯現

復有九十俱胝龍馬諸妙珍寶以爲
轡勒無數寶鈴進步鳴響是諸龍王
各乘馬已於虛空中繞佛三匝復奏
龍宮無量音樂及兩種殊妙珍寶
散於如來及聲聞衆作供養已頭面
禮足瞻仰世尊目不暫捨以我所集
功德善根願與衆生同得佛道合掌
向佛以偈頌曰

久修慈忍大悲行 成就百福相莊嚴
捨家逾彼迦毘城 志固爲求無上道
六年示修於苦行 伏諸外道不疲勞
直詣金剛座道場 普施群生甘露法
昔日如來調御師 棄捨王宮妙欲樂
斷除頂髻住山林 於世浮榮心不顧
牟尼昔捨於頭目 積功成滿菩提因

凡夫聞見尚無因 況復効修其苦行
如佛昔作忍辱仙 爲歌利王無辜害
割截耳鼻及身肢 不生恚惱心怡悅
時有愚癡婆羅門 來秤身肉而蹶倒
說此難行苦行時 我等聞已生悲惱
何因如來不起瞋 愛念衆生如已子
由興害意墮泥犁 慈尊於彼能垂拯
如來具足無上慧 於已害者不加報

昔修廣大安樂因故得身肢復如故
我等咸生淨信心稱讚如來真實行
如彼牟尼利有情咸願速登無上覺
爾時世尊知諸龍王信解堅固發大
誓願即於面門放種種光其光普照
上至梵天復從如來頂門而入時尊
者馬勝合掌長跪即白佛言法爾諸
佛若放光明必有所謂唯願如來方

便演說時彼尊者說伽陀曰

大哉無畏釋師子何因緣故放此光
慈門廣利諸天人唯願如來爲我說
此諸龍王并眷屬及彼時會皆肅然
唯翼牟尼震梵音說此放光希有事
誰於釋迦佛法中初發大心感斯瑞
誰能摧破諸魔軍令彼惶怖皆退沒

將非龍衆久修行獲得無盡諸功德
願聞現瑞之端由斷除疑惑心清淨
爾時世尊以偈荅曰

我以最上勝功德八種深遠梵音聲
所說真實利衆生汝當諦聽放光事
此諸龍王深淨信設大供養世希有
志心願證佛菩提爲度一切群生故
常以悲心觀世間晉使衆生脫苦厄

未嘗一心生疲勞 堅固精進無退轉
修習清淨奢摩佗 具足智力無能屈
安住三種解脫門 謂空無相及無願
得佛無上甚深慧 了一切法皆虛假
大悲愍念諸有情 離冤親想悉平等
過彼殑伽沙劫數 次第成佛出世間
同名寂靜慧如來 十号具足土嚴淨
常說無我甘露法 無諸外道及魔冤

父子合集經第五

第士張

滅字号

善巧方便應群機不違世俗談真諦
是諸衆生聞法已了法自性悉皆空
大悲方便演三乘勝義法中無所說
此法非出於自然求之少分不可得
乃至無有一衆生聞佛言教而不解
由飲解脫甘露味則能出離生老死
及彼憂悲我慢幢皆因聞佛梵聲故

釋尊無畏聖師子 說諸龍意答所問
佛子常隨智慧行 速得菩提無上果
如來授彼諸龍記 時衆聞已生忻慶
咸各歸命牟尼尊 於佛法中心寂靜

父子合集經卷第五

孔目官臣 檣 永和

講仁王經百法因明論沙門 臣 舊 證義

講圓覺仁王經百法因明論賜紫沙門 臣文正證義

講法華經因明論賜紫沙門 臣可照證義

講唯識因明百法論明義大師賜紫沙門 臣清行證義

講楞嚴經慈濟大師賜紫沙門 臣翼證義

講圓覺經文章文惠大師賜紫沙門 臣魯證義

左街鑒義講仁王經因明學論慈雲大師賜紫沙門 臣清遠證義

右街鑒義首座講皇太子論宣賢師賜紫沙門 臣顯證義